

SIANG-YUNGZ HAIZ WAAC ZAAH NYEI GORN

California Liuc Leiz Baengc nyei Gorn Zaangc (DHCS), Fu'jueiv Zorc Baengc Gorn (CMS) duqv jiex gorn tong saengv tengx taux Siang-Yungz Haiz Waac Zaah nyei Gorn (NHSP) weic tengx zaah taux muangx maiv haiz waac nyei gu'nguaaz-lunx. NHSP tengx dorh jauv hmuangv doic taux horpc nyei tengx weic liepc ceix jiu tong fai gorngv waac nyei za'eix.

Maaiah gu'nguaaz nyei hmuangv doic yiem California ndie-biauv dongh duqv dingc yiem DHCS bieqc mbuox caux NHSP oix duqv zipv zaah taux ninh mbuo nyei gu'nguaaz muangx haiz waac nyei jauv. Gu'nguaaz dongh saaix maiv jiez zaah nyei jauv yiem ndie-biauv oix fungx mingh zaah yiem ganh norm dorngx maiv zuqc cingv.

DHCS se jiu tong caux Haiz Waac Liuc Leiz Gorn zoux gong caux ndie-biauv zorngh- mbenc zaah haiz waac nyei gorn, mingh zoux longx bangc duqv zuqc nyei jauv-louc, caux zimh gu'nguaaz dongx qiemx zuqc borqv jienv tengx nyei jauv.

Yie Mbuo Hnangv Haaix Nor Zaah Haiz Waac nyei Jauv?

Siang-Yungz Haiz Waac nyei Zaah jiex gorn ndaangc maa caux gu'nguaaz cuotv ndie-biauv. Zaah nyei ziangh hoc se longc l ziex buonx dongh gu'nguaaz m'njormh nyei ziangh hoc. Sienc nyei qiex oix bungx bun gu'nguaaz muangx yiem buang jienv m'normh nyei ja'sic. Meih nyei gu'nguaaz haiz wuov deix qiex ziouc yietc zaah ndorqc yiem zaah qiex nyei ja'sic heuc "Otoacoustic Emissions (OAE)" a'fai zaah m'nqorngv-famv heuc Auditory Brainstem Response (ABR).

Ih jaax hnoi hungh heic zaah nyei za'eix se bangc duqv zuqc haic. Maiv la'guaih pioux gu'nguaaz muangx waac maiv haiz nyei jauv.

Haaix Dauh Cingv Zaah Haiz Waac nyei Jauv?

Beu sengh pouh tong tengx jaauv Zaah Siang-Gu'nguaaz Haiz Waac nyei jauv. Medi-Cal tengx jaauv puix duqv zipv tengx nyei gu'nguaaz.

Maaiah Mba'ziex Dauh Gu'nguaaz nyei M'normh Waaic?

Seix nyei m'normh waaic duqv zaah cuotv maaiah 2-4 dauh yiem 1,000 dauh gu'nguaaz. Leih maiv go 50% gu'nguaaz nyei m'normh waaic maiv haiz yietc nyungc a'fai zorqv-guaix, hnangv hniev nyei baengc a'fai hmuangv doic douh zong m'normh ndung nyei jauv.



Dauh baav gu'nguaaz nyei m'normh haiz waac zaih nyei yiem ninh mbuo nyei maengc weic m'normh butv-uiv, m'nqorngv-famv baengc, mborqv zuqc m'nqorngv a'fai ganh nyungc buonh sin baengc.

Nzunc baav gu'nguaaz muangx waac maiv haiz, caux maiv hiuv duqv weic haaix nyungc.

Weic Haaix Diuc Zaah Gu'nguaaz?

M'normh ndung haih mangc maiv buatc. Ih zanc, maaih ja'sic haih zaah duqv cuotv m'normh ndung yiem gu'nguaaz lunx nyei ziangh hoc.

Jiex gorn wuov deix hlaax caux hnyangx yiem fu'jueiv nyei maengc se longc jienv haic taux hoqc linc jiu tong nyei jauv. Muangx waac maiv haiz a'fai m'normh ndung nyei gu'nguaaz maaih aqc yiem gorngv waac jiu tong a'fai aqc yiem horqc dorngh. Weic hnavg naaic cingx longc jienv haic zaah taux muangx waac nyei jauv yiem lunx nyei ziangh hoc caux mbenc lengc jeiv nyei tengx bun gu'nguaaz caux hmuangv doic.

Meiv Guoqv Zorc Fu'jueiv Ndie-Sai caux ganh nyungc lengc jeiv tengx meinh gorn zaangc dengv taux zaah siang-gu'nguaaz haiz waac nyei jauv, caux zaah haiz waac nyei jauv borqv yiem hnyangx-jeiv lunx nyei hnyangx-dauh.

Haiz Waac caux Gorngv Waac Kang Ei Hnyangx-Jeiv

Hnyangx-Jeiv	Haiz Waac caux Gorngv Waac Kang
Cuotv Seix taux 3 Hlaax	» Seqv weic muangx zieqv duqv nyei waac caux qiex » Guen taux hlo nyei qiex, gu'nguaaz biatc, nyapc m'zing, dingh maiv soqv, nyiemv, a'fai niie. » Zoux sienx nyei qiex yiem nyie daaih, gu'nguaaz ngux.
3 mingh 6 Hlaax	» Hlioux m'zing mingh haiz qiex wuov bung, waac, ga'naaiv-longc nyei qiex, juv njungx » Jiex gorn zoux hnavg gorngv waac nyei qiex, "gaa", "uh," "mbaa" caux p, mb, m nyei qiex » Dongz sin yiem haiz waac fai qiex nyei ziangh hoc

Hnyangx-Jeiv	Haiz Waac caux Gorngv Waac Kang
6 mingh 9 Hlaax	» Dau nzuonx yiem haiz ganh nyei mbuox caux huin hmien mangc » Bieqc hnyouv jioux baac hungh heic nyei waac, "maiv zeiz," "mbaai-mbaai", "biouv-wuom" » Njiouv nzuih, "ndaa, ndaa, ndaa," "maa, maa, maa," "mbaa, mbaa, mbaa"
9 mingh 12 Hlaax	» Dau nzuonx yiem sienc caux beqv nyei qiex » Nzamc yietc jioux waac caux zuotv saengh kuv nyei qiex » Haaix zanc naaic taux, haiz nuqv oix nyei ga'nyaaiv-longc a'fai ga'naaiv-nyanc
12 mingh 18 Hlaax	» Haih gorngv gauh camv 10 jioux waac » Haih zoux ei gorngv liangv nyei waac, "zorqv mban" » Haaix zanc heuc, haih nuqv mienh, buonh sin a'fai ga'naaiv-longc » Dongz ei lorz-nzox
18 mingh 24 Hlaax	» Haih longc gauh camv 20 jioux waac » Gapv zunv gauh camv 2 jioux waac, "jaa camv," "haaix nyungc?" » Haih longc camv-norm nzangc-maac nyei qiex jiex gorn, mb, g, m » Muangx nangv caux hungh heic nyei gouv caux nzung
2 mingh 3 Hnyangx	» Longc 2-3 jioux waac nyei waac-liouz. » Buangv 2 hnyangx, mienh camv haih bieqc hnyouv fu'jueiv gorngv nyei waac (25%-50%) » Buangv 3 hnyangx, mienh camv haih bieqc hnyouv fu'jueiv gorngv nyei waac (50%-75%) » Ei I kang yietv-nyeic, "zorqv mban daaih an jienv dieh"

Haiz waac nyei jauv haaix zanc zaah yaac duqv.

California Siang-Cuotv Seix Zaah Haiz Waac Gorn nyei mouz deic se zaah mangc gu'nguaaz muangx waac maiv haiz caux tengx ninh mbuo duqv zipv tengx yiem biau juqv hlaax. Gorn zaangc maaih Haiz Waac Liuc Leiz Gorn dongh zoux gong caux hmuangv doic, zorc baengc mienh caux ndie-biau taux fu'jueiv haih duqv zipv tengx qiemx zuqc nyei jauv.

Siang-Cuotv Seix Zaah Haiz Waac Gorn siou sou-gorn taux meih gu'nguaaz haiz waac nyei zaah ei Ginc 124119 yiem Baengc caux Zoux Horpc Leiz. Haiz Waac Liuc Leiz Gorn haih longc naaiv deix sou-gorn tengx meih caux meih nyei gu'nguaaz zimh lorz qiemx zuqc nyei jauv. Haih benx duqv nyei taux Haiz Waac Liuc Leiz Gorn haih jiu tong caux meih taux duqv zipv tengx nyei jauv.

Weic maaih camv nyei waac-fienx:

- » Maiv Zuqc Cingv nyei Heuc 1-877-388-5301 a'fai bieqc mangc yiem website www.dhcs.ca.gov/services/nhsp